

बच्चियां ताई बाइबल
पेस करदी ऐ

यीशु दे चमत्कार



Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गई।

E. Frischbutter; Sarah S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।




यीशुयें मते चमत्कार कित्ते। चमत्कारां जो
दस्सणे दा एह मतलब था कि यीशु सच्ची च
परमात्मे दा पुत्र ऐ।



यीशुयें पैहल्ला चमत्कार इक्क ब्याहे दिया
धामा च कित्ता, जित्थु इक्क समस्या होई, कि
सबना जो अंगूरा दा रस पूरा नीं होण्या।



यीशु दिया माँऊ मरियमा तिसियो समस्या दे
बारे च दस्सेया, भिरी दासां नैं गलाया कि यीशु
जेहड़ा भी तुहां जो हुक्म दिंगा, सैह करनेयों।



भिरी यीशुयें गलाया, “इन्हां मटकेयां
च पाणी भरी देआ, तिन्हां पुछ्या,
“पाणी?” हाँ, एह सैई पाणी था
जेहडा यीशुयें मंगेया था।



ताहलू यीशुयें इक्की दासे नें गलाया, कि
इक्क बड्डे भांडे च पाणी
कडडी करी भोज दे
अधिकारिये जो चखणे
ताई देई आ। जाहलू
तिन्ही सैह पाणी
चखेया ताहलू
गलाणा लगगा
कि इतणा
सवादिरुट
अंगूरा
दा रस!




एह सुणी करी दास हरान होई गे। यीशुयें
पाणिये जो अंगूरा दे रसे
च बदली दित्या था।
ऐदेया चमत्कार सिर्फ
परमात्मा ई करी
सकदा ऐ।



यीशुयें होर भी मते चमत्कार
किर्ते। इक्क दिन संझा दे बग्त
यीशु कने तिसदे चेले पतरसे दे
घरे जो गे। तित्थु पतरसे दी
ससु जो बड़ा जादा बुखार था।



यीशुयें पतरसे दिया ससु जो हत्थे नैं छुता कने
तिसी बग्त तिसा दा बुखार उतरी गेआ। भिरी
सैह यीशु कने तिसदे चेलेयां दी आदर-खातर
करणा लग्गी।



इआं लगदा था कि तिसा संझा जो सारा
सैहर घरे दे दरवाजे अल्ल किट्ठा होई गेआ।

कने मते बमार लोक
आये जिन्हां च अन्ने,
बोले, गूंगे कने अपंग
थे। ऐत्थु तिकर
कि जिन्हां लोकां च
दुष्टात्मां थियां, सैह
भी यीशु अल्ल
आये। क्या सैह
इतणे लोकां दी
मदत करी सकदा ऐ?



यीशु, परमात्मे दा पुत्र, मदत करी सकदा था।
यीशुयें तिन्हां लोकां मदत किती, जेहडे तिस
अल्ल आयो थे सैह सारे खरे होई गो।



जेहड़े लोक ज़िन्दगी भर बैसाखिया दे साहरें
चलदे थे, सैह हुण ठीक ढगे नैं चली सकदे थे
कने दौड़ी सकदे थे कने छालीं मारी सकदे थे।



होर लोक भी
आये जिन्हां
जो कोढ़ दी
बमारी थी।




जाहलू यीशुयें
तिन्हां जो खरा
कित्ता तां सैह खरे
कने सुद्ध होई गो।



दुष्टात्मां ते परेसान मर्द-जणास यीशु दे सामणें
खडौते। तिन्हीं दुष्टात्मां जो तिन्हां लोकां ते

बाहर जाणे दा
हुकम दिता।

जिआं दुष्टात्मां
तिसदा हुकम
मनेया, तिसी
बग्त डरेयो,
दुखी लोक
सांत कने
खुस होई गो।



भीड़ा पचांह चौं माणुआं यीशु अल्ल पज्जाणे
ताई अपणे बमार दोस्ते दी मदत करणे ताई
कोसिस कित्ती। अपर सैह बक्खें नीं पुज्जी
सके।



अपर सैह बमार दोस्ते जो छती
पर लेई गे कने तिन्हां छती
जो कुआड़ेया कने जित्थु
यीशु था तित्थु तिसियो
मंजोलूये समेत
थलैं लौआई
दिता।



यीशुयें तिन्हा चौं माणुआं दा बसुआस दिक्खी
करी तिस बमार दोस्ते
नँ गलाया, ओ जागत
तेरे पाप माफ
होये हन; अपणे
मंजोलूये चुक
कने चल फिर।
सैह बमार दोस्त
खडौई गोआ कने
ठीक होई करी
अपणे घरे जो
चली गोआ।




इसते बाद, जाहलू यीशु चलेयां
सौगी किस्तिया च बैठ्या
था, ताहलू इक्क
खतरनाक तफान
समुन्दरे च आण्या।
यीशु सराणा लगाई
नै सुतेया था।




चेले बडे डरेयो कने रोया
दे थे भिरी तिन्हां यीशु जो
जगाया कने गलाया, “हे
प्रभु अहां जो बचा,
अहां डुबी करी मरी
जाणा ऐ।”



ताहलू यीशुयें लैहरां जो हुक्म दिता, “सांत
होई जा।” तिसी बग्त समुन्दरे दियां लैहरां
सांत होई गियां। तिन्हां चैलेयां अप्पु
च गलाया, “एह कदेया
माणु ऐ?” हौआ
कने समुन्दर भी
इसदे हुक्मे जो
मनदे हन।



तिन्हं दा मनणा था कि यीशु परमात्मे दा
पुतर था कजोकि तिसदे चमत्कारां तिन्हं जो
तिसदी महिमा दस्सी। सैह यीशु दे होर
भी मते चमत्कारां दिक्खा
दे थे। कजोकि
तिन्हीं माणुआं
बिच परमात्मे
दी सेवा
कित्तियो थी।



यीशु दे चमत्कार

परमात्मे दा वचन, बाइबला दी इक्की काहणिया

च पाण्या जांदा ऐ

मत्ती 8-9, मरकुस 1-2, मरकुस 4,
लूका 4, लूका 8, यूहन्ना 2

"तेरे वचनां दी समझ मिन्जो जोती दिंदी ऐ।"

भजन 119:130



आखरी



बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं
अहां जो बणाया ऐ कने जेहड़ा सैह चांहदा ऐ
कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तियो हन
जिसियो सैह पाप ग्लांदा ऐ। पाप दी सज़ा मौत ऐ,
अपर परमात्मैं अहां नैं इतणा प्यार कित्ता ऐ कि तिन्हीं
अपणे इक्कलौते पुत्र, यीशु जो सूत्रिया पर मरणे ताई
घल्लेया। तांजे अहां अपणे पापां दिया सज़ा ते बची
सकन। ताहलू यीशु दोबारा जिन्दा होएया कने सुअर्गे
जो चली गेआ। जे तुहां यीशु पर बसुआस करदे हन
कने अपणे पापां ते पश्चाताप करदे हन, तां सैह इआं
करगा जाहलू सैह वापस आंगा कने तुहां सौगी रेंहगा,
कने तुहां तिस सौगी सदा ताई जिन्दे रेंहगे।



मेरे प्यारे यीशु, मिन्जो बसुआस ऐ कि तुहां
परमात्मा हन, कने मेरे पापां तांई तुहां माणु बणी
करी अपणे प्राण देई दित्ते, कने हुण भी तुहां जिन्दे
परमात्मा हन। करिपा करी नैं तुहां मेरिया
जिन्दगिया च ओआ कने मेरे पापां जो माफ करा,
तांजे मैं हुण नौई जिन्दगी पाई सकैं, कने हर दिन
मैं तुहां सौगी रैंह। तुहां अपणे हुक्मां जो मनणे
तांई मेरी मदत करा कने मैं अपनी जिन्दगी
तुहां सौगी जी सकैं। अमीन।

हर रोज बाइबल पढा कने परमात्मे नैं
गल्तां करा। यूहन्ना 3:16

